



Jumat, 08 Juli 2022

Ogen: Esekiel 42:1-14



Ngadap Ku adep-adepen Tuhan



Pengenehen Esekiel tupung ia ibabai malakat Tuhan e me nggihan gedung-gedung si ertingkat telu arah utara rumah pertona. Teptep tingkat lit kamar-kamarna, ukurena galangen kamar i bas tingkat si pemena asangken si peduaken bage pe ku bas s pteluken. Arah damapar selatan rumah pertona e pe lit ka gedung si bali tempasna ras si arah utara. Nina Malaikat e man Esekiel, duana gedung enda badia kap. I bas gedung-gedung e me imam-imam banci ngadap ku adep-adepen Tuhan maba persembahen si badianakal. Tupung nehken persembahen e imam-imam pe arus make baju si badia, erkiteken ruang-ruang kamar e pe badia. Persembahen si ipersembahken e e me, persembahen buah gandum ras persembahen pengalemi dosa tah pe persembahen ganti rugi. Kenca dung acara nehken persembahen e imam-imam banci nadingken kamar si badia e alu ngganti baju imam si ipakena ndube. Baju imam e pe badia e maka la banci ipaken ku sembarang ingan.

Arah pengenehenen Esekiel banci kita erlajar maka ingan perjumpaan ras Tuhan e arus badia, sabap Tuhan e badia. Kerina si bengket ku bas ruang si badia e pe arus ka badia, subuk imam si nehken persembahen e man Tuhan bage pe persembahen si ipersembahken e. Badia ningen e la erpandangan, la lit cungkna, la gelah enggo, kerinana ipersiapkan alu mehuli. Ngadap ku adep-adepen Tuhan e perlu persikapan, subuk ruangenna, dirinta, ras si man baban. Ruang-ruang perjumpaan ras Tuhan e man jagan kebersihenna, ras alat-alat si iperluken i je arus tetap bersih. Labo banci kita ngambe-ngambe adi ngadap man Tuhan, si man baban e pe arus nge sikap kualitasna ras kuantitasna. Kebadian dirinta i bas nehken persembahen pe perlu iperdiatoken, perukuren bersih, ras meriahen ukur.

Sendalanan persembahen ras perbahanen.